

terisque superius enarratis nusquam appareret, aut nihil probari posset, easdem has nostras literas notari, impugnari, invalidas reddi, retractari, in jus, vel controversiam revocari, aut ad terminos juris reduci, vel adversus illas restitutionis in integrum, aperiitionis oris, reductionis ad viam & terminos juris, vel facti, aut gratia, vel iustitia remedium impetrari, seu quomodolibet, etiam motu simili concessio, vel impetrato, aut edito uti, seu se juvare in iudicio, vel extra unquam posse, decernimus, atque jubemus, universis litibus, & controversiis hac de re, si quae fortasse sunt, aut fuerunt, perpetuum silentium imponentes. Hasque easdem literas nostras sub quibusvis similibus, vel dissimilibus gratiarum revocationibus, suspensionibus, limitationibus, modificationibus, derogationibus, aliisque contrariis dispositionibus, etiam per Nos, & Successores Nostros Romanos Pontifices pro tempore existentes, & per Sedem Apostolicam, motu pari, scientia, & plenitudine potestatis, Consistorii decreto ex quibuslibet causis, & sub quocumque verborum tenore, & forma, ac cum quibusvis clausulis, & decretis, licet in eis de his nostris literis, earumque toto tenore & data specialis mentio fieret, pro tempore factis, & concessis, ac faciendis, & concedendis, non posse, aut debere comprehendendi statuimus; sed tanquam ad majus bonum tendentes, semper, & omnino ab illis excipi: & quoties illa prodierint, toties in pristinum, & validissimum, atque in eum, in quo antea quomodolibet erant, statutum restitutas, repositas, & plenarie reintegratas, ac denuo etiam sub quacumque posteriori data, quando-cumque eligenda, concessas esse, & fore; Sicque, & non alias in praemissis omnibus, & singulis per quoscumque Judices Ordinarios, & Delegatos, etiam Causarum Palatii Apostolici Auditores, ac Sanctae Romanae Ecclesiae Cardinales, etiam de Latere Legatos, Prolegatos, ejusdemque Sedis Nuncios, & alios quoscumque, quavis auctoritate, potestate, prerogativa, & privilegio fulgentes; sublata eis, & eorum cuilibet, qualibet facultate, & auctoritate aliter iudicandi, & interpretandi in quocumque foro, & iudicio, & in quacumque instantia iudicari, & definiri debere; sique secus, ac Nos sancimus, super his a quoquam quavis auctoritate, scienter, vel ignoranter contigerit attentari, hoc totum irritum, & inane habendum esse statuimus; non obstantibus quatenus opus sit, nostris, & Cancellariae Apostolicae regula de jure quaesito non tollendo, aliisque in contrarium praemissorum quomodolibet editis, vel edendis Constitutionibus, Synodalibus, Provincialibus, Oecumenicisque Conciliis, Ordinationibus quoque Apostolicis, & earumdem Ecclesiarum Auximatis, & Cingulae jurejurando, confirmatione Apostolica, vel Statutis quavis firmitate roboratis, eorumque reformationibus, novis additamentis, stylo, usu, Consuetudinibus, quamvis immemorabilibus; privilegiis quoque, indultis, Literis Apostolicis, quae eisdem, eorumque majoribus concessa fuissent, seu personis, ac locis quibuscumque, licet speciali, & expressa mentione dignis, sub quocumque tenore, forma, ac quibusvis derogationibus derogatoriis, aliisque efficacissimis, & insolitis clausulis, irritantibusque Decretis generatim, vel speciatim motu quoque

huic simili, & in Consistorio, aut alias quomodolibet, sepe etiam in contrarium praemissorum concessis, approbatis, confirmatis, & renovatis: quamquam diserte in eis caveatur, ne iisdem his nostris literis Apostolicis per quascumque alias motu quoque simili pro tempore editas, quascumque etiam derogationibus derogatorias in se continentibus, derogari unquam possit, nec censeatur eis derogatum.

§.6. Quibus omnibus, & singulis, quamvis de illis, & eorum tenore specialis, & expressa, ac de verbo ad verbum, non autem per clausulas generales idem importantes mentio, seu quavis expressio habenda, aut qualibet alia exquiritur forma ad hoc servanda foret, illorum omnium & singulorum tenorem, formam, & causas quascumque, pias, & ex privilegio deductas, his nostris literis pro plene, & sufficienter insertis, ac de verbo ad verbum, nullo prorsus omisso, expressis habentes, illis in suo robore alias permanentibus, ad praemissorum omnium, & singulorum validissimam vim, & effectum, hac vice dumtaxat, latissime, plenissime, ac sufficienter, nec non speciatim, & expresse, motu, scientia, & potestatis plenitudine similibus, harum serie derogamus, ceterisque contrariis quibuscumque.

§.7. Nulli ergo omnino hominum liceat hanc paginam restitutionis, declarationis, erectionis, sanctionis, concessionis, indulti, decreti, & derogationis infringere, vel ei temerario ausu contraire. Si quis autem hoc attentare praesumpserit, indignationem Omnipotentis Dei, ac Beatorum Apostolorum eius Petri, & Pauli se noverit incursum.

Datum Romae apud S. Mariam Majorem Anno Incarnationis Dominicae millesimo septingentesimo vigesimo quinto XIII. Kal. lunii Pontificatus nostri Anno Secundo.

LXXXVI.

Statuitur, ne quis Monachus Ordinis Carthusien. quodvis officium, seu gratiam, absque Superiorum consensu, a Sede Apostolica impetrare possit.

Hac Constitutio confirmatur a Clemente XII. Const. ed. 1732. Julii 31. P.3.

BENEDICTUS PAPA XIII.

Ad perpetuam rei memoriam.

Cum sicut dilectus filius Vincentius Dinelli Procurator Generalis Monachorum Ordinis Carthusien. Nobis nuper exponi fecit aliqui ipsius Ordinis Monachi ambitionis spiritu ducti officia dicti Ordinis ab hac Sede per importunas preces impetrare non erubescant cum maximo Regularis disciplinae detrimento. Nobis propterea dictus Vincentius Procurator Generalis humiliter supplicari fecit, ut in praemissis opportune providere, & ut infra indulgere de benignitate Apostolica dignaremur.

§.1. Nos igitur incommodis, quibus ea causa Ordo praefatus afficitur, obviam ire, ipsius Vincentium Procuratorem Generalem specialis favore gratiae prosequi volentes, & quibusvis excommunicationis, suspensionis, &

Derogatio specifica.

Sanctio poenalis.

Causae praesentis constitutionis.

Statutum praedictum.

Clausulae.

Dat. 30. Aug. 1725. Ann. 2.

Exponitur causa, quae Pontifici impulerunt.

Interdicti, aliisque Ecclesiasticis Sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodatus existit ad effectum praesentium, dumtaxat consequendum harum serie absolventes, & absolutum fore censentes, hujusmodi supplicationibus inclinati, ne de cetero perpetuis futuris temporibus quicunque dicti Ordinis Monachus a praedicta Sede quodvis officium, seu gratiam absque speciali, five Prioris majoris Carthusia, vel Procuratoris Generalis pro tempore existentis ejusdem Ordinis licentia, & consensu quoquo modo impetrare possit, audeat, vel praesumat, Apostolica auctoritate tenore praesentium statuimus, & ordinamus.

§.2. Decernentes irritum, nullum, & inane, si quid fecus a quoquam contra tenorem praesentium contigerit attentari, vel impetrari.

§.2. Non obstantibus Constitutionibus, & Ordinationibus Apostolicis, ac quatenus opus sit, dicti Ordinis, etiam juramento, confirmatione Apostolica, vel quavis firmitate alia roboratis, Statutis, & Consuetudinibus, ceterisque contrariis quibuscumque.

Datum Romae apud S. Mariam Majorem sub annulo Piscatoris die 20. Aug. MDCCXXV. Pontificatus Nostri Anno Secundo.

LXXXVII.

Conceditur Provinciali Provinciae Aragoniae Ordinis B. M. de Monte Carmelo facultas conferendi gradus doctoratus in tribus primariis Conventibus Regnorum Caesaraugustan., Valentini., & Pampilonen.

Similis facultas facta fuit ab Inn. XIII. Provinciali ejusdem Ordinis Provinciae Fluminis Januarii in Brasilia Const. ed. 1723. Dec. 23. P.2.

BENEDICTUS PAPA XIII.

Ad futuram rei memoriam.

Exponi Nobis nuper fecerunt dilecti filii moderni Prior Provincialis, & Definitorum Provinciae Aragoniae Ordinis B. M. de Monte Carmelo, quod cum in dicta Provincia lex vigeat juxta Constitutiones ipsius Ordinis auctoritate Apostolica confirmatas, quod omnes Magistri Doctoratus gradum in aliqua publica Studii Generalis Universitate suscipere teneantur, ne ipsis in eorum antiquitate, & praecedentia praedictum inferatur; Expense vero in Universitatibus studiorum generalium trium illorum Regnorum, in quibus dicta Provincia divisa reperitur pro consequendis dictis gradibus adeo adaucte sint, ut eadem Provincia magnum detrimentum pecuniae, quae ad hunc finem ab illa exit, experiatur, ipsi exponentes, quo haec damna, ac etiam expensae, & itinerum incommoditates evitentur, opportune in praemissis a Nobis provideri, & ut infra indulgeri plurimum desiderent.

§.1. Nos ipsos Exponentes, specialibus favoribus, & gaudiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si qui-

bus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati: eidem moderno, & pro tempore existenti Priori Provinciali praedictae Provinciae Aragoniae, ut ipse dictos gradus Doctoratus in tribus primariis dictorum trium Regnorum, nempe Caesaraugustan., Valentini., & Pampilonen. Conventibus cum assistentia Praefecti Studiorum, aliorumque trium Magistrorum cujuslibet respectu ex ipsis Conventibus hujusmodi servatis, alias de jure servari. conferre libere, & licite possit, & valeat auctoritate Apostolica tenore praesentium facultatem concedimus, & impertimur.

§.2. Decernentes easdem praesentes literas semper firmas validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit in omnibus, & per omnia plenissime suffragari: sique, in praemissis per quoscumque Judices Ordinarios, & Delegatos etiam Causarum Palatii Apostolici Auditores iudicari, & definiri debere: ac irritum, & inane, si fecus super his a quoquam quavis auctoritate scienter, vel ignoranter contigerit attentari.

§.3. Non obstantibus praemissis, ac Constitutionibus, & ordinationibus Apostolicis, ac quatenus opus sit Provinciae, & Ordinis praedictorum etiam juramento, confirmatione Apostolica, vel quavis firmitate alia roboratis, Statutis, & consuetudinibus; privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Petrum sub annulo Piscatoris die XXX. Augusti MDCCXXV. Pontificatus nostri Anno Secundo.

LXXXVIII.

Erigitur Hospitium Matriten. Fratrum Praedicatorum, vulgo de la Passion, in regularem ejusdem Ordinis Conventum, cum omnibus ceterorum Conventuum privilegiis.

Alia hujus Const. ed. 1725. Apr. 10. P. 1. in eadem Fratrum nonnullarum Provinciarum facta fuit facultas peragendi Processionem SS. Rosarii absque licentia Episcopi, & Parochi interveni.

BENEDICTUS EPISCOPUS

SERVUS SERVORUM DEI,

Ad perpetuam rei memoriam.

Pastoralis Officii, quod meritis licet imparibus Divina Providentia humilitati nostrae committere dignata est, ratio postulat, ut omnium Regularium Ordinum Vineam Domini excolentium praecipuam sollicitudinem geramus, quae-

Concessio praed.

Clausulae.

Dat. 9. Sept. 1725. Ann. 2.

Exordium cura Ordinū Regularium, Praedicti, praecipue, cui no-men dederat. quae-

quæque ad Divini Cultus amplificationem, Regularis disciplinae custodiam, & augmentum conferre dignoscimus, ea Jugi studio, & conatu provehere, statueret, & vehementer urgere non desinamus. Peculiari tamen cura, & vigilantia oculos nostræ mentis ad Ordinem Fratrum Prædicatorum, in quo solemnem professionem Regularum emisimus, & diu versati sumus, Nos decet convertere, ut ubi uberiores fructus in Vineam ipsam profuere, & bonorum operum messem exurgere aspicimus, illuc, quantum in Domino possumus, provida cogitatione, & maxima sedulitate incumbamus.

§.1. Itaque cum alias, & usque de Anno Domini 1637 tunc existentes Fratres dicti Ordinis, Provinciæ Hispaniæ Hospitalis vulgo de la Passion nuncupatum in Oppido, seu Civitate nuncupato Matriti Toletan. Diocesis, intra limites Parochialis Ecclesiæ Sanctorum Justi, & Pastoris dicti Oppidi situm, cum ejusdem Hospitalis sine cura existente, minusque collatiua Ecclesiæ, ac omnibus, & singulis mansionibus, aliisque membris, & ædificiis ad usum habitationis ab eodem Hospitali quomodolibet dependentibus, eique annexis, in eorundem Fratrum, Oppidum prædictum pro eorum, dictæque Provinciæ negociis pertractandis pro tempore aduentum, Hospitium jam convertendum a tunc existentibus, dicti Hospitalis, illiusque Ecclesiæ Mansionum, Membrorum, & Ædificiorum prædictorum possessione per tunc existentes Fratres prædictos adepti, eodemque Hospitali in eorum Hospitium converso, dictæ Ecclesiæ, in Divinis juxta laudabile dicti Ordinis Institutum deservire, ac in ea Sanctissimæ Eucharistiæ Sacramentum asservere, illudque Christifidelibus excepto Paschali tempore ministrare, defunctorum Corpora tumulare, Missas prævia Campanarum pulsatione, aliaque Divina Officia celebrare, & Christianæ Pietatis opera exercere consueverunt.

§.2. Lite postea, & Causa in Patribus inter tunc existentes Rectorem dictæ Parochialis Ecclesiæ, ac in eo Clericos, seu Presbyteros perpetuos Beneficiatos ex una, & tunc existentes Fratres prædictos ex altera Partibus coram Ordinario loci, & deinde coram aliis earundem Partium Judicibus competentibus, ac demum in Romana Curia, & in Causarum Palatii Apostolici Auditorio super præmissis, & præsertim super eo, quod dictum Hospitale in Hospitium ejusmodi, nulla desuper dicti Ordinarium loci ad id interveniente licentia, minusque servata fel. record. Clementis Octavi, Gregorii XV., & Urbani etiam VIII. Romanorum Pontificum Prædecessorum Nostrorum Constitutionum desuper respectu editarum, & Concilii Tridentini Decretorum respectu forma, conversum, seu erectum, & institutum fuerat, rebusque aliis in actis Causæ, & Causarum ejusmodi latius deductis introducitur, prosequuta, ac demum per tres sententias conformes ad tunc existentis dictæ Parochialis Ecclesiæ Rectoris, & in ea Beneficiatorum prædictorum iavorem desuper emanatas, & in rem judicatam transactas terminata, Fratres tunc existentes prædicti in earundem sententiarum executionem a præmissis omnibus, & singulis in dicta Ecclesiâ ulterius exequendis, & exercendis sese abstinere, dictæ Ecclesiæ januas claudere, & ab eadem Ecclesiâ illius Campanas amovere coacti fuerunt: proptereaque dictum Hof-

Referitur erectio prædicti Hospitalis jam prædictæ petiti.

Pro qua erectione lites exorta, indeque d. Hospitalium in privatam Domum redactum.

pitium velut in privatam Domum redactam existit, & existit de presenti.

§.3. Cum autem sicut accepimus, ad Oppidum prædictum, in quo pro tempore existentis Hispaniarum Regis residet Aula, frequens Ordinis, & Provinciæ prædictorum Fratrum pro eorum ibi disentiendis negotiis accedat consuetudo, & absorbum sit, quod in tam insigni Oppido, ubi Regalis Aula hujusmodi per commendabilem Secularium morum honestatem fulget decor, & Religionis cultus, Fratres illuc pro tempore accedentes prædicti in Hospitio hujusmodi nullo septo, Clausura, & veluti in privata Domo cum libero Secularium utriusque sexus Personarum, accessu, non sine Regularis disciplinae discrimine, animique dolore commorari cogantur: Hospitium vero prædictum nunc, ut præfertur, veluti in Domum privatam redactum mansionibus, aliisque Ædificiis pro futuro dicti Ordinis, per Nos ut infra erigendo Conventu necessariis, opportunisque referunt existat, & in Ecclesiâ prædictâ, quæ eidem Hospitio contigua, eique proxima, nec angusta, minusque rudis structura existit, maius, & sex alia Altaria Sacris utensilibus ad Missas etiam Conventuales celebrandas satis decenter ditata, & ornata, Chorus pro Divinis Laudibus Altissimo deprementis accommode instructus, & Sacrificia cum ejus Sacra suppellectili locupletata reperiantur.

§.4. Nos igitur ad majori ejusdem Ordinis stabilitati in prædicto Oppido consulendum, & ne illa ulterioribus litium prematur incommodis, sed ut Ordo ipse, cujus in dicto Oppido tres Conventus perpetuo erecti, & instituti reperiuntur, pluribus in Oppido hujusmodi abundant Stationibus semper gratior, validiorque in pacis amoenitate efflorescat coram Domino, prout sincero exoptamus affectu, liti, & Causæ prædictarum, & aliarum, si qua sit, & desuper quomodolibet exoriri poterunt in futurum, statum, & merita universa, nominaque, & cognomina Judicum, & Colligantium presentibus pro plene expressis habentes, & causam prædictam, quatenus opus sit, ad Nos advocantes, litemque hujusmodi ad infrascriptorum effectum omnino, penitusque extinguentes, necnon dationem, & concessionem Hospitalis, illiusque Ecclesiæ ædificiorum, aliorumque annexorum membrorum, & dependentiarum prædictorum per tunc existentes dicti Hospitalis Rectores tunc existentibus Fratribus prædictis quocumque cujusvis alienationis titulo, ac quocumque desuper forsân tunc soluto pretio quomodolibet factas, Apostolica auctoritate perpetuo approbantes, & confirmantes, eisque inviolabile Apostolicæ firmitatis Robur adjicientes, nec non omnes, & singulos tam juris, tam facti, aut aliarum quarumcumque circumstantiarum & solemnitatum defectus si qui, & si quæ tam super datione, & concessione, quam dicti Hospitalis erectione, seu fundatione prædictis quomodolibet respectu intervenerint, seu intervenisse prætendantur, plenarie perinde, ac si datio, & concessio, ac erectio, seu fundatio prædictæ respectu factæ fuissent, supplementes, motu proprio, non ad alicujus super hoc Nobis oblata petitionis instantiam, sed ex certa scientia, meraque voluntate, & deliberatione Nostris, deque Apostolicæ potestatis plenitudine, Hospitium prædictum cum omnibus, & singulis illius

Causæ prædictæ erectionis.

Lites prædictæ extinguitur, & prædicti Hospitalis erectio confirmatur.

illius ædificiis, Ædibus, mansionibus, Officiis, & Hortis in eo existentibus quibuscumque, prævia ab eis cujusvisque secularitatis, si qua inesse dignoscatur, seu prætendatur, status, & essentiae abdicacione, suppressione, & extinctione, in reliquum Regularem dicti Ordinis, in dicto Oppido Conventum cum omnibus, & singulis privilegiis, indultis, facultatibus gratiarum, Indulgentiarum, Largitionibus, immunitatibus, ac exemptionibus, quibus ceteri dicti Ordinis Conventus de jure, stylo, & consuetudine, ac participatione, aut alias quomodolibet nunc utuntur, potiuntur, & gaudent, ac uti, potiri, & gaudere poterunt in futurum pro duodecim saltem nunc, & pro tempore existentibus Ordinibus, & Provinciæ prædictorum Fratrum Ordinem ipsum expresse professis; qui in Conventu per præsentem ut infra erigendo hujusmodi, ac intra illius clausura, servata Regulari eorum disciplina, una cum uno ex eis futuro eorum Priore ab ejusdem Ordinis Fratribus Canonicis pro tempore eligendo, qui eos necnon Conventum per præsentem ut infra erigendum juxta dicti Ordinis Leges, & Constitutiones per debitas eorum regularis discipline semitas, regere, dirigere, corrigere, & gubernare, eisque præesse debeat, & qui ex Conventu per præsentem ut infra erigendi hujusmodi annuis redditibus, seu eleemosynis, si quos, aut si quas habeat eorum alimoniarum, & manutentioni sufficientes, sin minus, ac donec Conventus per præsentem erigendum hujusmodi ex redditibus, & eleemosynis prædictis habuerit, unde congrue alimoniarum, & manutentioni prædictis consulere valeat, ex aliorum Provinciæ prædictæ Conventuum juxta providam ab ejusdem Provinciæ Provincialibus Superioribus desuper pro rata reddituum: seu eleemosynarum deficientiam hujusmodi faciendam, servandamque distributionem, ac alias quoad illorum numerum alimoniarum, & manutentionem hujusmodi juxta Constitutionum, & Decretorum Apostolicorum alias desuper editorum formam, & tenorem, alii, & manuteneri debeant, necnon sine cura, minusque collatiavam existentem Ecclesiâ prædictam, abdicata pariter ab ea quocumque ejus secularitate in regularem dicti Ordinis Ecclesiâ cum omnibus quoque, & singulis libertatibus, immunitatibus, exemptionibus, privilegiis, indultis, Indulgentiis, gratiis, præeminentiis, & antelationibus, quibus reliquæ dicti Ordinis regulares Ecclesiæ nunc quomodolibet fruuntur, utuntur, potiuntur, & gaudent, ac uti, frui, potiri, & gaudere poterunt in futurum, ita quod liceat Fratribus dicti Ordinis pro tempore existentibus prædictis illam, illasque Januas publice aperire, Campanas denuo apponere, ac pulsare, & in ea Missas etiam Conventuales, aliaque Divina Officia celebrare, Sacramentalia Christifidelium Confessiones audire, Venerabile Sanctissimæ Eucharistiæ Sacramentum decenter asservere, illudque eidem Christifidelibus singulis anni, non tamen Paschalis, temporibus, & diebus ministrare, conciones habere, Defunctorum Cadavera sepelire, Beate Mariæ Virginis Rosarium recitare, Divinas Laudes nocte, & die assidue choraliter decantare, aliaque Christianæ pietatis opera, & functiones Ecclesiasticas juxta eorum Ordinis laudabile Institutum, & quæ Religiosa eorum Charitas ad

Promovendam æternam proximorum salutem, sibi suaserit exercenda, exercere, cujusvis licentia desuper minime requisita, sine tamen præjudicio Jurium Parochialium dictæ Parochialis Ecclesiæ, illiusque nunc, & pro tempore existentis Rectoris, Apostolica auctoritate perpetuo erigimus, & instituiamus.

§.5. Decernentes easdem præsentem etiam, ex eo quod dilecti Filii moderni dictæ Parochialis Ecclesiæ, illiusque nunc, & pro tempore existentes Rector, ac Beneficiati in ea existentes prædicti, Ordinarius loci, Regulares cujuscumque Ordinis, Societatis, vel Instituti, vel quicumque alii in præmissis quomodolibet interesse habentes, seu habere prætendentes, vel alii ad quos forsân spectat, & pertinet, seu pro tempore spectabit, & pertinebit, ad hoc vocati, & auditi non fuerint, neque præmissis consenserint, imo forsân illis contradicuntur sint, seu quibusvis aliis quantumvis iustis, justissimis, & rationabilibus Causis de nullitatis vicio, aut intentionis nostræ, vel quopiam alio defectu cogitato, vel inexcogitato notari, impugnari, retractari, annullari, in jus, vel controvertiam revocari, aut adversus eas, quocumque juris, vel facti, aut gratiæ remedium impetrari, vel sub quibuscumque Constitutionibus, & Litteris Apostolicis in contrarium præmissorum etiam, motu pari, & consistorialiter emanatis, vel emanandis, aut quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus, nullatenus unquam comprehendi, sed semper ab illis exceptas, & quoties illæ emanabunt, toties in pristinum, & validissimum, ac cum in quo ante permissa quomodolibet erant, statum restitutas, repositas, & plenarie reintegratas, ac de novo etiam sub quacumque posteriori data per pro tempore existentes d. Conventus per Nos, ut præfertur, erecti Priorem, & Fratres eligenda, concessas, semper, & perpetuo validas, & efficaces esse, & fore, suisque plenarios, & integros effectus sortiiri, & obtinere, ac ab omnibus ad quos spectat, & pro tempore spectabit firmiter, & inviolabiliter observari: sicque, & non alias per quoscumque Judices Ordinarios, vel Delegatos etiam causarum Palatii prædicti Auditores, ac Sanctæ Romanæ Ecclesiæ Cardinales etiam de Latere Legatos, & Vicelegatos, ac Sedis Apostolicæ Nuncios, sublata, eis & eorum cuilibet quavis aliter judicandi, & interpretandi facultate, & auctoritate, in qualibet instantia judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§.6. Quocirca dilectis Filiis nostro, & dictæ Sedis Nuncio in Regnis Hispaniarum pro tempore commoranti, ac Causarum Curie Cameræ Apostolicæ Generali Auditori per Apostolica scripta motu proprio simili mandamus, quatenus ipsi vel duo aut unus eorum per se, vel alium, seu alios, quando & quoties pro parte, pro tempore existentium Fratrum Conventus per Nos, ut præfertur erecti hujusmodi, seu pro eis agentium requisiti fuerint, easdem præsentem, & in ea contenta quæcumque, ubi, quando, & quoties opus fuerit, faciant integraliter, ac inviolabiliter observari, non permittentes Priorem, & Fratres dicti Conventus per Nos ut præfertur erecti,

Clausula.

Deputatio Exequutorii.

Erectio ejusdem Hospitalis in regularem Conventum, cum omnibus privilegiis aliorum.

crecti, vel pro eis agentes pro tempore existentes predictos desuper quomodolibet indebite molestari, perturbari, aut inquietari, Contradictores, & rebelles quoslibet per censuras Ecclesiasticas aliaque juris, & Facti remedia compescendo, invocato etiam si opus fuit, Brachii secularis auxilio.

Derogatorie.

§.4. Non obstantibus nostra, & Cancellarie Apostolicae clausula de jure quæsto non tollendo, ac ejusdem recordationis Bonifacii similiter Papæ VIII. etiam Prædecessoris Nostri quatenus opus sit de una, & Concilii generalis de duabus dietis, dummodo aliquis extra suam Civitatem, & Diocesim ultra tres dietas ad Judicium non trahatur, necnon prædictis Clementis, Gregorii, & Urbani Prædecessorum Nostrorum prædictorum, necnon pia mem. Innoc. PP. X. similiter Prædecessoris nostri desuper edita, aliisque Constitutionibus, & Ordinationibus Apostolicis, necnon Ordinis prædicti, etiam Juramento, Confirmatione Apostolica, aut quavis firmitate alia roboratis, Statutis, & consuetudinibus etiam immemorabilibus; privilegiis quoque, Indultis, & literis Apostolicis illi, illiusque Superioribus, aliisque Personis, etiam derogatoriis derogatoriis, efficacioribus, efficacissimis, & insolitis Clausulis in contrarium præmissorum forsitan quomodolibet concessis, approbatis, confirmatis, & innovatis. Quibus omnibus, & singulis, etiam si de illis, eorumque totis tenoribus specifica, & expressa, ac de verbo ad verbum, non autem per clausulas generales idem importantes mentio, seu quævis alia expressio habenda foret, latissime, & plenissime, ac specialiter, & expresse hac vice dumtaxat harum serie motu pari derogamus, ceterisque contrariis quibuscumque.

§.6. Nulli ergo omnino hominum liceat paginam hanc nostræ Approbationis, Confirmationis, Roboris, Adjectionis, defectum Suppletionis, Erectionis, Institutionis, Decreti, Mandati, & derogationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem Anno Incarnationis Dominicæ Milleesimo septingentesimo vigesimo quinto Nonis Septembris Pontificatus nostri Anno Secundo,

LXXXIX.

Dat. 7. Sept. 1725. Ann. 2.

Confirmatur Originatio quædam Capituli Generalis Carthusiensis; ne Monachi ejusdem Ordinis Misarum elemosynas in privatos usus convertant.

Clem. XI. Const. ed. 1712. Maji 11. P. 12. prohibitum fuit Monachis d. Ordinis, ne usum carniæ alicui in suis Monasteriis permittant. Et hujus Const. ed. 1725. Aug. 20. P. 2. Statutum fuit ut nullus impetrare possit gratiam aliquam a S. Sede sine Superiorum majorum licentia, quæ Constituitur confirmatur a Clem. XII. Const. ed. 1732. Jul. 31. P. 3.

BENEDICTUS PAPA XIII.

Ad futuram rei memoriam.

E Xponi Nobis nuper fecit dilectus filius Vincentii Dinelli Procurator Generalis Ordinis Carthusien. quod cum nonnullis ab hinc annis inter aliquot ejusdem Ordinis Monachos per se, sive per interpositas personas Misarum elemosynas procurandi, illarumque lucrum contra eorum regulam, & paupertatis votum, non obstante, quod abunde de rebus necessariis provisi sint, sibi attribuendi abusus irrepressit, per quamdam Ordinationem Capituli Generalis dicti Ordinis anno 1684. celebrati expresse prohibuit fuit, ne unquam talium stipendiorum lucra sive palam, sive secreto sibi procurarent, aut reciperent, vel in proprios usus applicarent, prout fufius continetur in eadem ordinatione, tenoris qui sequitur, videlicet:

§.1. 1684. Ordinatio pro Missis elemosynariis. Quia experientia teste didicimus, quæ, & qualia damna Ordini evenerunt in quibusdam locis ex celebratione quarundam Missarum, quarum stipendia a celebrantibus in proprios, aut amicorum, vel Parentum usus convertebantur, & partim per Superiorum pusillanimitatem, partim per Subditorum astutias, qui per varias prætextuum, & rationum excogitationis id sibi quasi licitum usurpabant; Qui quidem abusus jam extirpatus esse videtur: Sed ne unquam tale malum in voti paupertatis perniciem, & cupiditatis nutrimentum, quæ propolis Chartusien. pestis merito vocari mereretur, quamcumque Domini Ordinis sub quolibet prætextu iterum ingredi valeat, aut in qualibet Persona Ordinis tolerari; Declaramus quascumque rationes super hac re huc usque allegatas, aut allegandas frivolas esse, & nullas, sed meras esse corruptelas a Seminatore zizaniorum in animarum perniciem superfeminatas: Cum personis Ordinis necessaria juxta prædicti Chartusien. tenorem utique ministrari per Statuta nostra præscribantur, & de facto ubique per Superiores sufficienter ministrantur. Et prohibemus omnibus personis Ordinis in virtute Sanctæ obedientiæ, ne unquam talium stipendiorum lucra, sive palam, sive secreto sibi procurent, aut recipiant, vel in proprios usus applicent, sive per se, sive per interpositas personas, sub pœnis contra inobedientes, & proprietarios per Statuta ordinatis. Prioribus vero interdiximus, ne unquam id permittant, aut tolerant sub pœna absolutionis. Si quæ autem devotæ personæ Missas pro se celebrari postulent ad jussum Prioris, cui omnes Monachi, ex vi voti sui in his, sicut in aliis obedire tenentur per ordinem tabula, sicut consuetum est apud Nos reddantur, & stipendia inde oblata aliis Conventus bonis incorporentur juxta mentem Sacri. Concil. Tridentini Sess. 25. Cap. 2. de Reformat. & juxt. Cap. 19. 2. part. Statutorum nostrorum, atque administrationis Superiorum subjaceant. Nec Visitatoribus Ordinariis, aut Commissariis liceat ullo modo super hac re dispensare: Sed insuper ea omnia, quæ in locis specialibus super hac re fuerunt jam per Capitulum Generale disposita volumus in suo robore permanere = insuper ea omnia, quæ in locis specialibus super hac re fuerunt jam per Capitulum Generale disposita volumus in suo robore permanere. = Et subinde ejusmodi Ordinatio in Capitulis Generalibus annorum 1685. 1711., & currenti anno confirmata fuit.

§.2. Cum autem, sicut eadem expositio sub-

Faci expositio.

Ordinatio præd. Capituli Generalis 1684.

Præcepta Procuratoris Generalis pro confirmatione.

Clausula.

Benedictus Decimustertius An. II.

XC.

jungebat, his minime attentis præsentibus abusus etiam nunc perieverent, ac prout ut Capituli Generalis Ordinatio præsertim in violabiliter observetur, dictus Vincentius Procurator Generalis Ordinationem hujusmodi Apostolicæ Confirmationis Nostre patrocinio communitur summo perire desideret:

§.3. Nos ipsius Vincentii Procuratoris Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis, inclinati, præsertim Capituli Generalis Ordinationem confirmatam, ut præfertur, cum omnibus, & singulis in ea contentis, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos, juris, & facti defectus, si qui desuper quomodolibet intervenerint supplemus, ipsamque Ordinationem sub suspensionis a Divinis, aliisque arbitrio Nostro imponendis pœnis eo ipso per contractantes absque ulla declaratione incurrentis, servari mandamus.

§.4. Decernentes eadem præsentibus literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus, & singulis, ad quos spectat, & pro tempore spectabit inviolabiliter observari: Sicut in præmissis per quoscumque Judices Ordinarios, & Delegates etiam Causarum Palatii Apostolici Auditores, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§.5. Non obstantibus Constitutionibus, & Ordinationibus Apostolicis, necnon quatenus opus sit dicti Ordinis etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus proplene, & sufficienter expressis, ac de verbo ad verbum insertis habentes, illis alias in suo robore permanentis ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§.6. Volumus autem, ut præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum, tam in judicio, quam extra illud adhibeatur, quæ adhiberetur ipsi præsentibus, si forent exhibitæ, vel ostensæ.

Datum Romæ apud Sanctam Mariam Majorem sub annulo Piscatoris die VII. Septembris MDCCXXV. Pontificatus Nostri Anno Secundo.

Statuuntur variæ Ordinationes pro bono Regimine Fratrum Ordinis S. Jo. Dei.

Dat. 7. Sept. 1725. Ann. 2.

De confirmatione Privilegiorum ejusdem Ordinis. vide hujus Const. ed. 1724. Sept. 13. P. 1.

BENEDICTUS PAPA XIII.

Ad perpetuam rei memoriam.

IN supremo Militantis Ecclesie solio Divina dispositione constituti, ad Sacrum S. Joannis Dei Ordinem, qui multiplicia, atque præclara pietatis, & Christianæ charitatis opera, erga Pauperes, & Infirmos suis Hospitalibus decumbentes, magno cum Reipublica Christianæ spirituali commodo, & utilitate, nec minore fidelium edificatione in dies exercere non desinit, mentis nostre aciem convertentes nonnullos, quos in eodem Ordine sensim gliscere intelleximus, abusus de medio tollere, ut que Regularis in eo disciplina, ubi labefacta fuerit opportunis rationibus restituatur, & ubi viget firmius perseveret, providere studemus, in eumque finem ex injuncto Nobis Divinitus Pastoralis sollicitudinis monere, matura deliberatione præhabita, quæ infra sequuntur, statuenda, ordinanda, ac declaranda duximus.

Exordium a cura præstantia Ordinis S. Joannis Dei.

§.1. Cum itaque sicut accepimus, ubi Congregationes Conventuales in Domibus pro Novitiatus destinatis ejusdem Ordinis habentur, Religiosis, qui jure illas ingrediendi potuntur liberum esse deceat quidquid opportunum eis videtur inibi proponere, ac respondere, multoties vero contingat id a pluribus ob injunctum timorem eis a suis Superioribus incussum præmitti, quibuscumque Superioribus districte, ac sub pœna privationis vocis active, & passivæ eo ipso absque alia declaratione incurrere prohibemus, ne eorum subditos quoquo modo impediant, aut deterreat quominus in prædictis Congregationibus quidquid proponendum, vel respondendum expedire censuerint libere proponere, ac respondere valeant, præsertim in his, quæ spectant ad receptionem Novitorum; Volentes etiam, ut relationes de Novitiis prædictis, quas fratres de more Ordinis præfati ad eas colligendas deputati adferent in eisdem Congregationibus palam legantur.

Ordinationes tradite de liberate votorum in Congregationibus Conventualibus.

§.2. Quo autem probatio Juvenum in ipsum Ordinem admittendorum exactius perficiatur, quam hætenus fieri consuevit, cum per eisdem Ordinis Constitutiones dumtaxat præcipiatur, quod sub fine anni probationis congressus a fratribus habeatur in quo Novitii mores, vite consuetudo, instructio in rebus Ordinis præfati ac spiritualis progressus discutiantur, & vota demum pro illius admissione, vel dimissione conferantur mandamus, ut ejusmodi congressus, ac discussio singulis quatuor mensibus deinceps fiant, idque sub eadem pœna privationis vocis activæ, & passivæ per Priores locales illa facere negligentes similiter incurrere, & quatenus post peractum examen Novitius uti inventus dicto Ordini minime aptus, & utilis in primo, secundo, vel tertio congressu a professione emittenda per pluralitatem suffragiorum

De Novitiis rura pro modo exactius perficienda.

E

ex.